

„Ég hef þungar áhyggjur af stöðunni“

**Mannekle, ófjármögnuð vísindi og ábyrgð mistaka á herðum starfsfólks
eru helstu mál á borði Ólafs Baldurssonar sem hefur verið endurráðinn framkvæmdastjóri
lækninga á Landspítala. Æviráðinn í þetta sinn**

■ ■ ■ Gunnhildur Arna Gunnarsdóttir

„Ég hef þungar áhyggjur af stöðunni,“ segir Ólafur Baldursson, framkvæmdastjóri lækninga, um að lögum hafi ekki verið breytt þannig að mistök heilbrigðisstarfsfólks yrðu ekki refsiverð. Honum þykir slæmt að ekki hafi verið unnið eftir þeim tillögum sem starfshópur, sem hann sat í, lagði til í skýrslu um alvarleg atvik í heilbrigðisþjónustu í september 2015.

„Við höfum ítrekað minnt á skýrsluna án árangurs. Þetta eru auðvitað vonbrigði en eitthvað sem við ráðum ekki yfir,“ segir hann.

Félög lækna hafa lýst yfir áhyggjum sínum vegna mannekle á Landspítala í sumar. Félag bráðalækna vísaði nú í maí allri ábyrgð á forstjóra Landspítala, ráðherra og Alþingi ef til alvarlegra atvika kæmi á bráðamóttökunni vegna óboðlegra og óviðunandi aðstæðna sem félagið sagði að stefndi í í sumar.

Ólafur segir afar mikilvægt að heilbrigðisstarfsmenn geti, rétt eins og fagfólk í flugi, sagt satt og rétt frá, komi upp atvik. „Við tókum þá ákvörðun hér að við vildum vera í forystu í heilbrigðiskerfinu við að opna umræðuna um allt sem kemur fyrir. Við höfum notað þá aðferðafræði í um 50 rötargreiningum.“ Lagaumhverfið sé hins vegar ekki í takti við nútímann sem kalli á kvíða og áhyggjur heilbrigðisstarfsfólks af að standa vaktina.

„Við glímum við þennan misþroska en við getum ekki haldið áfram í gömlu hugmyndafræðinni

þar sem atvikum var sópað undir teppið.“ Hún gefi ekki færi á að læra af mistökum. „Mjög mikilvægt er að læknar og aðrar heilbrigðisstéttir hjálpist að í þessu máli, því þetta snýr að okkur öllum.“

Ólafur, sem gegnt hefur starfi framkvæmdastjóra lækninga frá 2009, hefur nú verið ráðinn allt til ársins 2034. „Ef guð lofar verð ég sjötugur á því ári.“ Ólafur segir að fjarheilbrigðisþjónusta, lagaumhverfið og efling sérnáms á spítalanum sé efst á baugi, enda taki það á manneklunni. Stórefla þurfi vísindastarf og nýsköpun og tengsl við sprotafyrirtæki. Hann er huggsi yfir stöðu vísinda á spítalanum og segir að eyrnamerkja þyrfti sérstaklega fjármagn til þeirra. „Vinna á markvisst með háskólum til að nýta fjármagnið sem best.“

Ólafur sinnir enn göngudeildarþjónustu og tekur stöku vaktir, en sjálfur er hann lyf- og lungnalæknir. „Ég hef áhyggjur af þessari stöðu og skil vel að læknar og fólk almennt hafi það einnig,“ segir hann. „Nýráðinn yfirlæknir bráðamóttökunnar hefur tjáð okkur að mönnunin batni í haust.“ En ber hann sjálfur ábyrgð á stöðunni?

„Mér finnst ég alltaf bera vissa ábyrgð á frammistöðu spítalans en auðvitað er það þannig að ábyrgð á 6000 manna vinnustað er eðli málsins samkvæmt dreifð. Að auki hlýtur ábyrgð stjórnsýslunnar á svo stórum vinnustað að vera umtalsverð.“



Hlíðasmára 8
201 Kópavogi
sími 564 4104

Útgefandi
Læknafélag Íslands

Ritstjórn

Helga Ágústa Sigurjónsdóttir,
ritstjóri og ábyrgðarmaður
Berglind Jónsdóttir
Hulda María Einarisdóttir
Ingibjörg Jóna Guðmundsdóttir
Magnús Haraldsson
Margrét Ólafía Tómasdóttir
Ólafur Árni Sveinsson

Tölfræðilegur ráðgjafi
Sigrún Helga Lund

Ritstjórnarfulltrúi

Védis Skarphéðinsdóttir
vedis@lis.is

Blaðamaður

Gunnhildur Arna Gunnarsdóttir
gag@lis.is

Auglýsingar

Sólveig Jóhannsdóttir
solveig@lis.is

Umbrot

Margrét E. Laxness
melax@lis.is

Prófarkalestur

Aðalsteinn Eypörsson

Upplag
2000

Áskrift

21.900,- m. vsk.
Lausasala
2190,- m. vsk.



Prentun og bókband

Litróf
Vatnagörðum 14
104 Reykjavík

Dreifing

Póstdreifing
Hádegismóum 2
110 Reykjavík

© Læknablaðið

Læknablaðið áskilur sér rétt til að birta og geyma efni blaðsins á rafrænu formi, svo sem á netinu. Blað þetta má eigi afrita með neinum hætti, hvorki að hluta né í heild, án leyfis.

Fræðigreinar Læknablaðsins eru skráðar (höfundar, greinarheiti og útdráttir) í eftirtalda gagnagrunna: Medline (National Library of Medicine), Science Citation Index (SciSearch), Journal Citation Reports/Science Edition, Scopus og Hirslna, gagnagrunn Landspítala.

The scientific contents of the Icelandic Medical Journal are indexed and abstracted in Medline (National Library of Medicine), Science Citation Index (SciSearch), Journal Citation Reports/Science Edition and Scopus.
ISSN: 0023-7213

Vill bjóða út vaktir á spítalanum

„Óumflýjanlegt er að tryggja fjölbreytilegri rekstrarform í heilbrigðisþjónustunni vegna fólksfjölgunar á Íslandi. Kröfurnar eru það miklar og stakkurinn þröngur frá ríkinu,“ segir Ólafur.

„Hugsa þarf möguleikann á að bjóða hluta starfseminnar út, jafnvel að bjóða einstaka tegundir af vöktum út og huga að fjölbreyttara rekstrarformi í kerfinu í heild“ segir hann og horfir til fjarheilbrigðisþjónustu. Hún muni hafa hvað mest áhrif á störf lækna næstu 5-10 árin.

„Margir halda að fjarheilbrigðisþjónusta fækki læknum, en það veit enginn. Ég tel að mörgum sjáist yfir það að þegar samskiptamöguleikum sjúklinga við teymi heilbrigðisþjónustunnar fjölgar, aukast samskiptin. Úrvinnslan, sem þarf að vera vönduð, verður meiri,“ segir Ólafur.

„Ég vona að Læknafélag Íslands sé með augun á þessu því þetta mun hafa mikil áhrif á störf lækna.“